




# RI ABINADI Y RI NOE, RI RUTATA'AL RI TINAMIT

TANAJ 12




Ch'aka' chic Nefi'i' xetzolin chic jun bey pa ri tinamit rubini'an Nefi. Pa rutiquiribel, rije' e chojilej tak vinaki'.

Mosia 9, 10




C'ari' jun achin rubini'an Noé xoc rutata'al ri quitinamit. Rija' jun itzel achin y man xutakej ta ri rupixa' ri Dios.

Mosia 11:1-2



Ri Noé, ri rutata'al ri tinamit, xuben chique ri vinaki' chi tiquic'ama' pe ri quipuak chire rija'. Rija' man xsamej ta chuch'auic ri ruc'aslen.

Mosia 11:3-4




Rija' janíla xka' chuevch rubanic ri itzel.  
Mosia 11:2, 15



Ri Noé xerucha' itzel tak achi'a' richin ni- quic'uaj rubey ri Ruk'ataj ri Dios. Rije' xequitijoj ri vinaki' chubanic ri mac.

Mosia 11:5-7



Xuben chi ri vinaki' xquipaba' nimalej tak jay. Can nim vi ri cajel re jay re'.

Mosia 11:8-11



Ri Dios xutek jun profeta quiq'uin. Ri profeta ri' rubini'an Abinadi. Rija' xubij chique ri vinek chi rije' quichapon rubanic ri itzel.

Mosia 11:20



Ri Abinadi xubij chique chi nic'atzin chi nizolin pe quic'u'x o xtic'ajsex na quivech.

Mosia 11:21-25




Ri Noé xoyover riq'uin ri Abinadi. Rija' xerutek el ri rusamajela' chuximic. Xquiq'uen pe ri Abinadi chuvehch ri Noé.

Mosia 11:27-28; 12:9




Ri Noé y ri rutechunela' xcajo' xquicamisaj ri Abinadi.

Mosia 11:28




Janíla c'utunic xquiben chire ri Abinadi. Xquirayij xquiben chire chi xsach ta chiquivech. Xcajo' ta xquisuk' ri runojibal.

Mosia 12:18-19




Ri Dios xuturusaj ri Abinadi. Ri Abinadi xubij chire ri Noé y chique ri ruteuchunela' chi rije' niquben ri itzel.

Mosia 12:1-2, 19-37




Xquitij quik'ij richin xquicamisaj ta ri Abinadi, pero man xetiquir ta. Ri Dios xuto' ri Abinadi richin c'a yerutijoj na juba' chic ri vinaki'.

Mosia 13:1-3




Ri Abinadi xubij chique chi xquec'ajisex na quivech vi man nitzolin ta pe quic'u'x.

Mosia 13:4-35




Rija' xerutijoj ri vinaki' chire ri xuben ri Jesucristo. Ri Abinadi xubij chique chi quequitakej rupixa' ri Dios.

Mosia 14, 15, 16



Xubij chique ri teuchunela' chi tiqitzijoj c'a ri kitzij. Ruc'amon chi yequito' ri vinaki'. Nic'atzin chi nicajo' ri Dios.

Mosia 12:20-33



Ri Noé y juba' man conojel ri ruteuchunela' man xquinimaj ta ri xubij ri Abinadi. C'ari', xquiya' pa che'.


Mosia 17:1, 5




Jun chique ri teuchunela' rubini'an Alma. Rija' xunimaj ri ruch'abel ri Abinadi. Rija' xuc'utuj chire ri Noé chi trosk'opij el ri Abinadi. Mosia 17:2



Ri Noé xoyover riq'uin ri Alma. Rija' xerutek el ri rusamajela' chucamisaxic. Ri Alma xanimej el y rije' man xquik'i' ta. Mosia 17:3-4




Ri Alma xuben ri utz. Xtzolin pe ruc'u'x chupan ri rumac. Rija' xutz'ibaj ronojel ri xubij can ri Abinadi. Mosia 17:4; 18:1



Ri Noé xrajo' chi ri Abinadi xutzolij ta ri' chire ri ch'abel xubij. Vi ri Abinadi man xtutzolij ta ri', xa xticamisex. Mosia 17:6-8



Ri Abinadi retaman chi can kitzij vi ri xubij. Rija' man xutzolij ta ri' chire ri ruch'abel. Mosia 17:9-10




Ri Noé xubij chique ri rusamajela' chi tiquicamisaj ri Abinadi. Xquiq'uet ri Adinadi. Ri Abinadi man xuxibij ta ri' chuech ri camic, roma rija' jun choj achin. Mosia 17:12-20




Ri Dios xuc'ajisaj ruvech ri Noé y chuka' ri ruvinak. Ri Lamani' xepe chubanic jun camisanel oyoval quiq'uin.

Mosia 19:1-7




Ri Noé y ri ruvinak xe'animej el chiquivech ri Lamani'. Ri Noé xubij chique ri achi'a' chi quequiya' can chiri' ri ixoki' y ri ac'uala'.

Mosia 19:9-11




Ri Lamani' xebe chirij ri Noé. Xequichop janila chi Nefi'i'.

Mosia 19:12-15




Jujun rusamajela' ri Noé xcajo' xetzolin chiquito'ic ri quixjayilal y ri calc'ual.

Mosia 19:19



Ri Noé man xuya' ta k'ij chique. Rija' xrajo' chi xecanej ta can riq'uin roma ruxibin ri'.

Mosia 19:20



Ri rusamajela' ri Noé xe'oyover riq'uin y xquiq'uet. C'ari', xebe chic quiq'uin ri quixjayilal y ri calc'ual.

Mosia 19:20-24




RI LIMJI,  
RI RUTATA'AL RI  
TINAMIT,  
Y RI RUVINAK  
YE'ANIMEJ EL

TANAJ 13




Q'uiy chique ri ruvinak ri Noé xechapatej coma ri Lamani'.

Mosia 19:15




Rije' xquiben chique ri Nefi'i' chi xquiya' ri quipuak y ri quivay chique. Ri Lamani' xquiben chi ri Nefi'i' janila xesamej.

Mosia 19:15




Ri ruc'ajol ri Noé rubini'an Limji. Rija' xoc ri c'ac'a' rutata'al ri tinamit. Rija' man itzel ta achi'el ri rutata'.

Mosia 19:16-17, 26




Jun achin rubini'an Ammon aj ruvach'ulef Zarajemla. Rija' xeril ri Limji y ri ruvinak.

Mosia 7:1, 6-9




Ri Limji xubij chire ri Ammon chi ri ruvinak xechapatej coma ri Lamani'. Re' xc'ulvachitej roma ri quetzalal ri Nefi'i'.


Mosia 7:15, 24



Ri Limji xuc'utuj chique conojel ri ruvinak chi quepe c'a chirac'axaxic rija'. Xubij chique chi ri Dios xqueruto' vi xtizolin pe ri quic'u'x. Mosia 7:17, 33




Ri Limji xubij chi ri profeta Abinadi xerupixabaj chi tizolin pe quic'u'x. Man riq'uin vi ri', man xtizolin ta pe quic'u'x. Romari' tok xechapatej. Mosia 7:25-32



Ri vinaki' xtizolin pe quic'u'x chupan ri quimac. Rije' xquisuj chi c'o chi niqitakej ri rupixa' ri Dios.

Mosia 21:32



Ri Nefi'i' xquik'ijuj achique modo xque'animej el chiri'. Rije' xquiya' k'abarisanel ya' chique ri aj oyoval tak Lamani'.

Mosia 22:1-10



Tok ri Lamani' e k'abarel chic, ri Nefi'i' xe'animej el. Ri Ammon xuc'uaj quibey, y xe'apon Zarajemla.

Mosia 22:10-13



Ri vinaki' pa Zarajemla xequicot tok xequitz'et rije'.

Mosia 22:14